

# **REFERAT IIIA - Isumaginninnermut Inunnullu Innarluutilinnut Ataatsimiititaq d. 29-10-2024**

**Mødedato** Tirsdag d. 29. oktober 2024 kl. 17:00

**Mødested** Kommunalbestyrelsep ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ukiup affakkaartumik Inunnut innarluutilinnut tarnimikkullu nappaatilinnut tunngasunik suliassaqa	7
Inuit innarluutillit pillugit Siunnersuisoqatigiit ataatsimiittarnerannik ataavartumik ilisimatitsinerit..	9
Utoqqaat pillugit Siunnersuisoqatigiit ataatsimiittarnerinik ataavartumik ilisimatitsisarneq.....	12
Ingerlatsinermik nakkutilliisarneq pillugu ilisimatitsissut.....	15
Piffissami 2024-mi kvartalit pingajuanni pissaanermik atuisimaneq pillugu nalunaarutinik ilisimatit	19
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutinut killifi	22
Suliffeqarnermut immikkoortumut pilersaarut 2025-2029 pillugu tusarniaaneq.....	25
Suliat pitsaassusissaasa allaaserineqarnerat 2025.....	28
Taasariaqartut allat.....	32
Imaqarniliap akuerineqarnera.....	33

## **Punkt .: Saqqaa**

### **Ilaasortat:**

Inge Olsvig Brandt (IA), siulittaasoq  
Lone Rosengreen Pedersen (IA), siulittaasup tullia  
Poul Petersen (D)  
Mala Høy-Kúko (S)  
Dorthe-Marie Mogensen-Fontain (S)

### **Beslutning**

#### **Ataatsimeeqataasut:**

Naya Pedersen Lyberth (IA) Lone Rosengreen Pedersen-imut sinniisuvoq

Mala Høy-Kúko (S)

#### **Attaveqaatitigut peqataasut:**

Inge Olsvig Brandt (IA)

Dorthe-Marie Mogensen-Fontain (S)

#### **Ataatsimeeqataasinnaanatik nalunaartut:**

Lone Rosengreen Pedersen (IA)

Poul Petersen (D)

## **Punkt .: Oqaluuserisassat akuerineqarneri**

### **Beslutning**

Oqaluuserisassat Akersissutigineqarput.

# Punkt .: Nalunaarutit

## Beslutning

Suliffeqarnermut Isumaginninnermullu Ingerlatsivimmi aaqqissuussaaneermik allanngueq Kommunimi aaqqissuussaaneermik allannguerup ilagisaatut meeqqanik innarluutilinnik sullissineq ulloq 1. novembarimiit Meeqqanut Ilaqutariinnullu Ingerlatsivimmiit Suliffeqarnermut Isumaginninnermullu Ingerlatsivimmut nuunneqassaaq. Tamatuma saniatigut Oqartussaaffeqarfik Suliffeqarnermullu suliaasaqarfik ulloq 1. oktobari kattunneqassapput - Suliffeqarneq aamma Inunnik Isumaginninnermik Kiffartuussivik. Suliffeqarnermut fagchefiusimasoq suliaasaqarfinnut kattunneqartunut fagchefiusaaq. Kattussinermi suleqatigiinnerup pitsaanerulernissaa innuttaasunillu sullissinerup ataqatigiinnerunissaa siunertarineqarpoq.

Suliffissaaleqinermi ikiorsiissutinik tunniussineq  
Suliffissaaleqinermi ikiorsiissutinut systemi sui piariinngilaq tamannalu kommunimi suliffissaaleqisunut sunniuteqarpoq. Suliffeqarnermut Isumaginninnermullu Ingerlatsivimmit IT-systemit kukkuneqarnerisigut suliffissarsiorutunut ataasiakkaanut ikiorsiissutinik tunniussinermi kukkunerit misigineqarput. Inuit ilai piffissaq eqqorlugu 29/9 ikiorsiissutinik tunineqarput, tunniussinerillu ajutoortut 1/10 tunniunneqarput. Pisortanit ikiorsiissutinut atasumik IT-systemikkut tunniussineq iluatsippoq. Suliffeqarneq aamma Inunnik Isumaginninnermik Kiffartuussivimmi aqutsisunit kukkuneq akissarsianut systemimut paasissutissanik ikkussuinermi pisimassasoq nalilerneqarpoq. Aqutsisut systemip tunniussinerup tulliani 25. oktobarimi aaqqereersimanissaa neriutigaat.

Paamiuni Pilersitsiviup pilersinneqarnera  
Suliffeqarnermut Isumaginninnermullu Ingerlatsivik aamma Nunatsinni Imarsiornermik Ilinniartarfik Paamiuni Pilersitsivimmik pilersitsinissamat piareersaleruttorput. Pilersitsiviup ulloq 15. januaari 2025 ammarnissaa naatsorsuutigineqarpoq.

Tasiilami najugaqatigiiffimmik allanngueqarnerneq  
Inunnut innarluutilinnut tarnimikkullu nappaatilinnut immikkoortortaqaqfimmik aqutsisunit Tasiilami najugaqatigiiffimmi najugaqartup ataatsip avammut qisuariartarnera pissutigalugu inissat marluk matugallarneqarput. Pisup iluarsivigineqarnerani inissaq ataaseq inuttaqanngilaq massakkullu tunniunneqanngikkallaruni najugaqartullu aappaa najugaqatigiiffimmut allamut inissinneqarallarnissamik neqeroorfineqarpoq.

Utoqqarnut tunngasuni suliaasaqarfimmi sivilisuumik napparsimasoqarnera  
Utoqqarnut tunngasuni suliaasaqarfimmi fagcheffi piffissami sivilisuumi napparsimalluni sulinnigiffeqarpoq taamaattumik Suliffeqarnermut Isumaginninnermullu Ataatsimiititaq 2025-mi februaarimi ataatsimiinnermi suliaasaqarfimmi killiffik pillugu saqqummiiffineqarumaarpoq.

Utoqqarnut tunngasuni suliaasaqarfimi suliniutit piginnaangorsaqqiinerullu sivilisunerusut  
Utoqqarnut tunngasuni suliaasaqarfimmi septembarip qaammataani Nuummi angerlarsimaffimmi ikiortini ikiueqqaarnermi ilitsersuisumik ilinniartitsisoqarpoq, Utoqqaat Illuannit innarluutilinnut bussit nutaat tiguneqarput, Utoqqarnut tunngasuni suliaasaqarfimmi tulleriissaarisartut Tasiilami eqqaanilu sulinermut atatillugu angalapput. Utoqqarnut tunngasuni suliaasaqarfimmi aqutsisut isumaginninnermut teknologi aamma puigortunngortunut paaqqinniffik ukkataralugit Danmarkimut sulinermut atatillugu angalapput. 'Digirehab' aamma Aalborg Kommune illersugaasumik immikkoortortamat aamma angerlarsimaffimmi sungiusarnermi digitaalikkut aaqqiissutissat takuniarlugit pulaarneqarput. Demens Plejehjemmet Markusgården aamma Center for Velfærdsteknologi aamma pulaarneqarput. Angalaneq Vejleми naggaserneqarpoq, matumani ukiumi ataatsimi affarmilu angerlarsimaffimmi digitaliusumik sungiusarnermut suleqatigiinneq atuutsitsilernerumut ilitsersuutinik oqallinnikkut utertitsiffiqatigiinnikkullu naggaserneqarpoq. Ulloq kingulleq Århusimiinnermut atorneqarpoq tamannalu Nuummi puigortunngortunut angerlarsimaffissaannut isumassarsiorfiuvoq.  
Kommuneqarfik Sermersuumi Utoqqaat pillugit immikkoortumut pilersaarut 2024 - 2028-mik atuutsitsilernerup ilagisaanik utoqqarnut tunngasuni suliaasaqarfimmi aqutsisut sapaatip akunnera 41-mi isumasioqatigiinnermi suleqatigiinnermik pitsaanerulersitsippat aqutsinermilu sakkussanik nutaanik pissarsillutik.

Utoqqarnut ukiumoortumik aaqqissuussinerit

Oktobarimi ukiumoortumik aaqqissuussineq "Arctic Elder Games" Utoqqaat Illuani ingerlanneqarpoq. Assigiinngitsunik unammisoqarpoq ilaatigut One foot highkick rollator/issiavik kaassuartagaq. Rollatorinik issiavinnillu kaassuartakkanik atuisunut naleqqussakkanik assigiinngitsunik unammisoqarpoq. Ukioq manna Ippiarsuk ajugaaqqippoq tamannalu Ippiarsummi sikutornermik Pele Møller Bandimillu nipilersortoqarnikkut malunnartinneqarpoq.

# **Punkt 1: Ukiup affakkaartumik Inunnut innarluutilinnut tarnimikkullu nappaatilinnut tunngasunik suliassaqarfimmi killiffik, januaari – septembari 2024**

## **Beslutning**

Ilisimatitsissut tusaatissatut tiguneqarpoq.

## **Bilag**

Inunnut innarluutilinnut tarnimikkullu innarluutilinnut tunngasunik suliassaqarfimmi killiffik

## **Ukiup affakkaartumik Inunnut innarluutilinnut tarnimikkullu nappaatilinnut tunngasunik suliassaqaqfimmi killiffik, januaari – septembari 2024**

Ilisimatitsissut

SagsID.: EMN-2024-02018

Suliffeqaqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqaqarnermut Isumaginninnermullu Ingerlatsivimmit Suliffeqaqarnermut Isumaginninnermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqaqarnermut Isumaginninnermullu Ingerlatsivimmit Inunnut innarluutilinnut tarnimikkullu innarluutilinnut tunngasunik suliassaqaqfimmum tunngasut pillugit ukiup affakkuutaartumik ilisimatitsissutigineqartarpoq, suliatigut aningaasatigullu kisitsisitigut paasissutissat pingaarnerit aamma allaffeqarfimmit isiginninnerit pillugit. Taanna ukiup affakkuutaartumik killiffik piffissami 2024-mi apriliimit septembarimut atuuppoq. Killiffik ilanngussani nassaarineqarsinnaavoq.

Fagcheffi ataatsimiititami ataatsimiinnermi najuutissaaq, taamaalilluni ataatsimiititami itinerisunik apeqquteqarnissamat periarfissaqartoqarniassammat.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusioneremut Naatsorsuusioneremullu Immikkoortortami aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq
- Kommuneqaqfik Sermersuumi Inuit innarluutillit pillugit Politikki
- Kommuneqaqfik Sermersuumi inunnut innarluutilinnut immikkoortumut pilersaarut
- Kommuneqaqfik Sermersuumi Inuit innarluutillit tarnimikkullu nappaateqartunut suliat allaaserineqarnerat 2024

### **Ilanngussat**

1. Inunnut innarluutilinnut tarnimikkullu innarluutilinnut tunngasunik suliassaqaqfimmi killiffik

## **Punkt 2: Inuit innarluutillit pillugit Siunnersuisoqatigiit ataatsimiittarnerannik ataavartumik ilisimatitsinerit**

### **Beslutning**

Ilisimatitsissut tusaatissatut tiguneqarpoq.

### **Bilag**

Inuit innarluutillit pillugit Siunnersuisoqatigiit ulloq 22. aggusti 2024-mi ataatsimiinnerannit imaqarniliaq

# Inuit innarluutillit pillugit Siunnersuisoqatigiit ataatsimiittarnerannik ataavartumik ilisimatitsinerit

Ulloq 22. agusti 2024-mi ataatsimiinnermit

Ilisimatitsissut

SagsID.: EMN-2023-02055

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

## Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq

Aggustip ulluisa 22-anni 2024 ataatsimiinnermi Isumaginninnermut Suliffeqarnermullu Ataatsimiititamik 22. marsi 2024-mi ukiumoortumik ataatsimeeqateqarnermit malittarinninnerup ilaatut qulequttat assigiinngitsut saqqummiunneqarput.

Suliffeqarnermut suliassaqaarfimmi fagchefimit meeqqat atuarfiup kingorna inuusuttunut piginnaangorsarnissamik periarfissat, kiisalu 18-inik ukioqalernissaasa tungaanut suliniutit tapersersuutaasussat, inuusuttut suliffeqanngitsut ajornartorsiutaasinnaasut nalaattagaat pingaarnerutillugit, killiffissiorneqarput. Avataaneersunik atorfinitsitsisarnermut Islandimi iluseq atorneqartoq siunnersuisoqatigiinnit eqqaaneqarlunilu siunnersuutigineqarpoq iluseq taamatut assingusoq Kalaallit Nunaannut naleqqusinnaasoq.

Atuarfeqarnermut Immikkoortortami fagchefimit immikkut ittumik klassimi atuartut praktikkertarnerat, tassungalu ilanngullugu misilitsinnginnissamut akuerisaasarnerup tungavilersuutaannik misissuinissamik ukkassinissaq, killiffissiorneqarput. Atuartut angajullit praktikkernissaat tapersersorniarlugu naliliinissamut immersugassiorortoqarpoq, tamannalu atuarfimmi siunnersortinut saqqummiunneqareerpoq. Immikkut atuartsinerimi ilinniartitsisut pillugit inatsisitigut piumasaqaat, taamatut ilinniagaqarsinnaaneq Kalaallit Nunaanni periarfissaanngimmat, unamminarsinnaasutut eqqaaneqarpoq. Peqataatitsisumik praktikkerfiusinnaasut pillugit CSR Greenlandimik suleqateqarneq eqqaaneqarportaaq. Siunnersuisoqatigiinnit Pisiffik suliffeqarfittut assersuutitsialattut, immikkut ittumik pisariaqartitsisunik sulisunik iluatsilluartumik atorfinitsitsisarnerat pillugu, erseqqissaatigineqarpoq, siunnersuutigineqarlunilu suliffeqarfinnut allanut isumassarsiorfiusinnaasutut iliuuserisartagaat qanimut misissorneqassasoq.

Nuummi Suliniuteqaarfimmi fagchefimit meeqqanut inuusuttunullu ikorfartortinik qinnuteqartarnermik akuersisarnermillu suleriaaseq saqqummiunneqarpoq. Ikorfartorteqarnissamut ujartuisarneq annertusiarortoq arlallillu atorfiniminnit soraartarnerannut pissutaasinnaasut oqaluuserineqarput. Siunnersuisoqatigiinnit aaqjissuussaaneermik pitsanngorsaanissaq tatisimaneqarnerullu annikillissarnissaa pillugu ikorfartoqatigiinnik qitiusoqaarfimmi pilersitsisoqarnissaa siunnersuutigineqarpoq. Pitsaanerumik atortoqarnissamik pisariaqartitsineq, anguniagaqarluni ilinniagaqarneq, pitsaanerumillu akissarsiat pillugit isumaqatigiissutit erseqqissaatigineqarputtaa. Suliffeqarnermut Isumaginninnermullu Ataatsimiititaq Inuit innarluutillit pillugit Siunnersuisoqatigiinni ataatsimiittarnerit pillugit ataavartumik ilisimatinneqartarpoq, soorluttaaq Inuit innarluutillit pillugit Siunnersuisoqatigiinnit imaqarniliat Kommuneqarfik Sermersuup nittartagaani tamanut saqqummiunneqartarput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiordermut Naatsorsuusiordermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaasatillit**

- Inuit innarluutillit tapersersorneqarnissaannut Inatsisartut inatsisaat nr. 13, 12. juuni 2019-imeersoq
- Kommuneqarfik Sermersuumi Inuit innarluutillit pillugit Siunnersuisoqatigiinni ileqqoreqqusat
- Inuit innarluutillit pillugit Siunnersuisoqatigiit suleriaasiat

### **Ilanngussat**

1. Inuit innarluutillit pillugit Siunnersuisoqatigiit ulloq 22. agusti 2024-mi ataatsimiinnerannit imaqarniliaq

## **Punkt 3: Utoqqaat pillugit Siunnersuisoqatigiit ataatsimiittarnerinik ataavartumik ilisimatitsisarneq**

### **Beslutning**

Ilisimatitsissut tusaatissatut tiguneqarpoq.

### **Bilag**

Utoqqaat Siunnersuisoqatigiit ulloq 26.08.2024 ataatsimiinnerannit imaqarniliaq

Utoqqaat Siunnersuisoqatigiit ulloq 09.09.2024 ataatsimiinnerannit imaqarniliaq

## Utoqqaat pillugit Siunnersuisoqatigiit ataatsimiittarnerinik ataavartumik ilisimatitsisarneq

Ulloq 26. agusti 2024 aamma ulloq 9. septembari 2024-mi ataatsimiinnermeersut

Ilisimatitsissut

SagsID: EMN-2023-02053

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Utoqqaat pillugit Siunnersuisoqatigiit ulluni 26. agusti 2024 aamma ulloq 9. septembari 2024 ataatsimiipput. Ataatsimiinnermi ulloq 26. agusti 2024 ilisimatitsissutigineqarpoq, Suliffeqarnermut Isumaginninnermullu Ataatsimiititamit Utoqqaat pillugit Siunnersuisoqatigiit ukiumoortumik ataatsimiinnissamut ulloq 19. novembari 2024-mi ataatsimiigiaqquneqarput, Utoqqaat pillugit Siunnersuisoqatigiit lleqqoreqqusaanni § 6-mi allaqqavog: "Isumaginninnermut Suliffeqarnermullu Ataatsimiititaq Utoqqaat Siunnersuisoqatigiinnik ukiumoortumik killiffissioqatigiinnissamut ataatsimiigiaqqusisassaaq." Ataatsimiinnermi tassani ltoqqortoormiini utoqqaat illoqannginnerat sumiiffimmi utoqqarnut unammilligassaqartitsisartoq eqqaaneqarpoq. Taassuma saniatigut utoqqaat utoqqaat illuannut nuunnialernerini aappariit nooqatigiissinnaannginnerat aappariinnik avissaartitsinermik kinguneqarsinnaasoq erseqqissarneqarpoq.

Ulloq 9. septembari 2024-mi siunnersuisoqatigiit immikkut ittumik ataatsimiipput ataatsimiipput, utoqqaat illuini sulisussaaleqinerup annikillisinnaaanut qanoq iliortoqarsinnaanera eqqartorniarlugu, taamaalillugu najugaqartut utoqqaat pisarialimmik isumassorneqartarniassammata aamma tapersorsorneqartarniassammata. Ataatsimiinnermi aaqqiissuteqarnissamut siunnersuutit makkua eqqartorneqarput:

- Sulisunut ilinniarsimangitsunut malittarisassat ersarissut aamma piffissakkuutaartumik malinnaatitsilluni ataatsimiinnerit
- Piffissap ilaani atorfinnik amerlanerusunik pilersitsineq
- Illoqarfimmi sulisinnaasut naammangippata sulisunik avataaneersunik pissarsiorneq
- Ulluni ulapaarfiusuni tassunga ilanngullugu ulluni aningaasarsiffimmi sulisunik amerlanerusunik sulisoqarneq
- Sulisut unnuakkut aamma sapaatip akunnerata naanerani sulisinnaaniassammata sulisut meeraannut paaqqinninnissamut neqeroorutininik pilersitsineq
- Suliffeqarfinnut namminersortunut eqqiaanermi, errorsinermi aamma nerisassiornermi suliassanik suliariumannittussarsiuussineq

Iliuusissat tamakku utoqqaat illuanni sulisut najugaqartunut isumaginninnerunissaannut piffissaqalersitsissagaluarput.

Suliffeqarnermut Isumaginninnermullu Ataatsimiititaq Utoqqaat pillugit Siunnersuisoqatigiinni ataatsimiittarnerit pillugit ataavartumik ilisimatineqartarpoq, soorluttaaq Utoqqaat pillugit Siunnersuisoqatigiinnit imaqarniliat Kommuneqarfik Sermersuup nittartagaani tamanut saqqummersinneqartartut.

### Ingerlatsivimmit aningaasatigut sulisoqarnikkullu naliliinerit

Pisariaqanngilaq.

## **Missingersuusionermut Naatsorsuusionermullu Immikkoortortamit aningaasatigut nalillineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommuneqarfik Sermersuumi Utoqqaat pillugit Siunnersuisoqatigiinnut ileqqoreqqusat
- Utoqqaat pillugit Siunnersuisoqatigiit suleriaasissaat
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### **Ilanngussat**

1. Utoqqaat Siunnersuisoqatigiit ulloq 26.08.2024 ataatsimiinnerannit imaqarniliaq
2. Utoqqaat Siunnersuisoqatigiit ulloq 09.09.2024 ataatsimiinnerannit imaqarniliaq

## **Punkt 4: Ingerlatsinermik nakkutilliisarneq pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Nakkutilliilluni nalunaarusiat ataatsimut eqikkarneri



## Ingerlatsinermik nakkutilliisarneq pillugu ilisimatitsissut

Nakkutilliineq pivoq februaari - maaji 2024

Ilisimatitsissut

SagsID.: EMN-2024-03203

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq malillugu kommunimi najugaqarfinni nakkutigineqartuni, najugaqatigiiffinni, utoqqaat illuini aamma utoqqaat najugaqatigiiffini, Isumaginninnermi suliassaqarfimmi nakkutilliisarneq pillugu Kommuneqarfik Sermersuumit ukiumut ingerlatsinermik nakkutilliineq ingerlanneqartarpoq.

Nakkutilliinerni siunertaasarpoq pitsaassutsinut qulequttat arlallit tunngavigalugit suliffeqarfiup pitsaassusianik nassuiaateqarnissaq naliliinissarlu, taakkununga najugaqartut namminneq inuunerminnut sunniuteqarsinnaanerat, neqeroorutip suliatigut ingerlanneqarnerini periutsit kiisalu aqqissugaaneq aqutsinerlu ilanngullugit. Pitsaassutsimut tunngasut Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersumi aalajangersarneqarput.

Suliffeqarfinni nakkutilliinerni ajornartorsiutaasut paasiniarneqartarput pitsanngorsaatisatullu periarfissanik aqqutissiuussisoqartarpoq. Taamaaliornikkut kommunip innuttaasunut sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Piffissami 2024-mi februaarimit maajimut nakkutilliinerit sisamaasut nassuiaatigineqarput, tassaasut:

- Najugaqatigiiffik Aqqusinersuaq
- Tasiilami najugaqatigiiffik Qorsuk aamma Aappaluttoq
- Paamiuni Utoqqaat illuat Puilasunnguit
- Tasiilami Utoqqaat illuat Qanganitsad Iddivat

Ilanngussaq 1-imi nakkutilliinermut nalunaarusiat ataatsimut eqikkarneqarneri ataatsimoortinneqarput, taakkunani inerniliinerit pingaarnerit innersuussutillu eqikkarneqarput. Tullinnguuttuni nakkutilliivigineqartunut inerniliinerit innersuussutaasullu ataasiakkaat erseqqissaatigineqarput.

Inunnut innarluutilinnut tarnikkullu nappaatilinnut Immikkoortortaqarfik - Nuuk aamma Tasiilaq  
(nakkutilliinermi nalunaarusiat marluk)

- Nalinginnaasumik isumaginninnikkut perorsaanermut sulianut tunngasut appasipput. Isumaginninnikkut perorsaanermik suliqaarnermut najoqqutassaqaarnissamut aqutsisutigut akisussaaffiliivoq
- GetOrganizedimik atuutsitsilernissaq suli ingerlavoq. Suliffeqarfinni assigiinngitsuni atuutsitsilernissat nikerartutut taaneqarsinnaapput Aqqusinersuami siuariartoqarluni



- Immikkoortunut tamanut ulluinnarni nassuiaatit najugaqartunut tunngasut annikipput qaqutigoorlutillu
- Aqqusinersuarmi najugaqartunut tamanut ukiumoortumik killiffinnut nalunaarusiortoqartarpoq
- Iliuusissatut pilersaarutini aamma killiffinnik nalunaarusiani iliuusissatut anguniakkat amigaataapput
- Tasiilami najugaqatigiiffinni najugaqartut aningaasaataannik aamma attuumassuteqartunik isumaginninnermut eqqortumik suleriaaseqarnissap qulakkeerneqarnissaa ukkataraat

Nakkutilliusup oqaaseqaatai innersuussutaalu tunngavigalugit najugaqatigiiffinni Inunnut innarluutilinnut tarnikkut nappaatilinnullu Immikkoortortaqaarfimmi Fagcheffi suleqatigalugu suliniutinik aallartitsinikuupput. Sumiiffinni tamani innuttaasunik namminneq inuunertik pillugu oqaloqatiginnikkumasunut peqataatitsinissamut perorsaannikkut sulinnermut tapertaasussamik killiffimmik aamma ineriartortitsinermik nalunaarusiortarnermut immersugassamik suliaqartoqarpoq.

Utoqqarnut suliaasaqarfik – Paamiut aamma Tasiilaq (nakkutilliinermi nalunaarusiat marluk)

- GetOrganizedimik atuutsitsilernissaq suli ingerlavoq
- Utoqqaat angerlarsimaffii tamarmik ukiumoortunik peqqissutsimut suliaasaqarfimmit tamakkiisumik naliliinernik amigaateqarput
- Tasiilami utoqqaat illuanni najugaqartut puiguttortut unammillernartitsipput. Utoqqaat illuat illersukkamik immikkoortortaqaangilaq
- Innuttaasunut puiguttortunngorsimasunut ilaqutaasut oqaloqatiginiarlugit ataatsimeeqatigineqarneq ajorput
- Utoqqaat illui tamarmik massakkut najugaqartut aningaasaataannik isumaginninnermut naammaginnartumik periuseqarput
- Paamiuni utoqqaat illuanni GetOrganizedimi paaqqutarinninnermut pilersaarutitut nutaamik immersugassamik sulilu atulerneqanngitsumik ilanngussisoqarpoq
- Paamiuni utoqqaat illuat annertuumik sulisut taarsaannerannik sulinngitsoortarnermillu unammilligassaqaqarfiuvoq

Nakkutilliusup oqaaseqaatai innersuussutaalu tunngavigalugit utoqqaat illuat Utoqqarnik suliaasaqarfimmi fagcheffi suleqatigalugu suliniutinik aallartitsisoqarpoq. Sapaatip akunnerani 41-mi kommunimi paaqqinnittarfinni assigiinngitsuni utoqqarnut suliaasaqarfimmi assigiiartumik ingerlatsinissaq siunertaralugu aqutsisut katersuutsinneqarput. Utoqqarnut suliaasaqarfimmi aqutsisut tamarmik peqataapput.

### **Ingerlatsivimmit aningaasatigut sulisoqarnikkullu naliliinerit**

Aningaasatigut allaffissornikkullu kinguneqanngilaq.

### **Missingersuusiornermut Naatsorsuusiornermullu Immikkoortortamit aningaasatigut nalililneq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaattillit**

- o Isumaginninnermik suliaasaqarfimmi nakkutillisarneq pillugu Namminersorlutik Oqartussat nalunaarutaat nr. 49, 31. august 2021-meersoq
- o Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq

### **Ilanngussat**



1. Nakkutilliilluni nalunaarusiat ataatsimut eqikkarneri
2. Aqqusinersuarmi nakkutilliinermi nalunaarusiaq 2024
3. Najugaqatigiiffimmut Qorsummut aamma Aappaluttumut nakkutilliinermut nalunaarusiaq 2024
4. Puilasunnguarmi nakkutilliinermi nalunaarusiaq 2024
5. Qanganitsad Iddivanni nakkutilliinermi nalunaarusiaq 2024

## **Punkt 5: Piffissami 2024-mi kvartalit pingajuanni pissaanermik atuisimaneq pillugu nalunaarutinik ilisimatitsissut**

### **Beslutning**

Ilisimatitsissut tusaatissatut tiguneqarpoq.

## **Piffissami 2024-mi kvartalit pingajuanni pissaanermik atuisimaneq pillugu nalunaarutinik ilisimatitsissut**

Ilisimatitsissut

SagsID.: EMN-2024-01131

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq

1. ilisimatitsissut tusaatissatut tiguneqassasoq

### **Suliassamik saqqummiussineq**

Ataatsimiititaq pissaanermik atuneq pillugu nalunaarutinik kvartalikkaartumik ilisimatinneqartarpoq, tassani paasisutissat ilisimatitsissummik nalunaaruteqarnermi immersukkat atorlugit katersorneqartarlugit. Pissaanermik atuisimaneq takussutissaliorneqartarpoq, pissaanermik atuisoqarsimanermit tunngasunik suliaqartoqartillugu innuttaasut sulisullu perorsaanermit tunngasunik suliaticullu eqqarsaatigineqarsinnaasunik eqqortumik iliortoqarsimaneramik uppersaatissaqarnissaq qulakkeerumallugu.

Ulloq februaarip arfernat 2024 pissaanermik atuisarneq pillugu quppersagaaraq nutartigaq Suliffeqarnermut Isumaginninnermullu ataatsimiititamut saqqummiunneqarpoq, aqutsisunut sulisunullu iluaqutaanissaa ingerlatsivimmit neriuutigineqarpoq.

### Utoqqarnut tunngasunik suliassaqarfimmi nalunaarutiginninnermit nakkutilliineq

Utoqqarnut tunngasunik suliassaqarfimmi 2024-mi kvartalit pingajuanni pissaanermik atuisoqarsimaneramik nalunaaruteqartoqanngilaq. Taamaattumik immikkoortortamit Paaqqutarinniffimmi Ippiarsummi suliniutit naammassineqartut pissaanermik atuneq pillugu ilitsersuuteqarnermik ukkassiffiusut malinnaaffigineqarput. Aamma Tasiilami, Paamiuni Utoqqaallu Illuanni pilersaarutaasumik ingerlatsineq malinnaaffigineqassaaq.

### Inunnut Innarluutilinnut tarnikkullu nappaatilinnut Immikkoortortaqarfik pillugu nakkutilliineq

Innarluutilinnut tarnikkullu nappaatilinnut Immikkoortortaqarfik piffissami tassani pissaanermik atuneq pillugu nalunaarutinik tigusaqanngilaq. Nalunaarutiginnittut appasinnerannut amigartumik nalunaaruteqarneq pissutaasoq naatsorsuutigineqarpoq tamannalu immikkoortortamit sulisutigineqarpoq.

Taamaattumik immikkoortortaqarfimmit immikkoortortaqarfimmi atugassanik ilinniartitsinermit atorlutit inerisaasoqarpoq immikkoortortaqarfimmi aqutsisunut immikkut sammisaqartoqarluni. Aqutsisut namminneq sulisuminnut ilinniartitsisinnaalertinnissaannut kiisalu suliassaqarfimmi sulisunut nutaanut ilitsersuinermit ilaatilerneqarnissaa siunertaavoq.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.

### **Missingersuusionermit Naatsorsuusioneremullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**



- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8 20 november 2022-meersoq

**Ilanngussat**  
Soqanngilaq.

## **Punkt 6: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutinut killiffik pillugit ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Suliffissaaleqisut kisitsisaannut takussutissiat

## **Suliffissaaleqisut nalunaarsorneqarnerat aamma suliffissaaleqineq anigorniartugut suliniutinut killiffik pillugit ilisimatitsissut**

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsivik suliffissaaleqineq anigorniartugut suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2024-imi kvartalit pingajuannut tunngasuvoq. Nuummi, Paamiuni, Tasiilami Ittoqqortoormiini 2024-imi kvartalit pingajuanni suliffissaaleqineq suliffissaaleqisunut annertuunik suliniuteqartoqarsimannginnera pissutigalugu patajaatsuusimavoq. Peqqutaasuni pingaarnepaaq tassaavoq, Majoriami sulisut suliffissarsiuussinermi atortup nutaap atuutilersinneqarnissaa nangittumik ukkatarisimammassuk, suli kukkuneqarlunilu amigaateqarmat, tamakkiisumik sulisunit ukkatarineqartariaqarmat. Majoriami suliassat tamamik inatsisitigut pituttugaasut illoqarfinni taakkunani ataavartumik suliarineqartarput.

### **Kommuneqarfik Sermersuumi suliffissaaleqisut nikerarnerat**

Kommunimi suliffissaaleqisut assigiinngitsut katitigaanerat ukiuni kingullerni sisamani ikiliartuinnarsimapput, taamaattumik siunissami suliniutissat matchgruppe 2-mi piffissami sivisuumi suliffissaaleqisimasunut aamma matchgruppe 3-mi sulileriaannaangikkallartunut annerusumik tunngatinneqassapput. Ukiunut kingullernut sisamanut sanilliullugu suliffissaaleqisut suli ikiliartornissaat suliffissarsiuussisarfinnit naatsorsuutigineqarpoq, tassa suliffissaaleqisut amerlassusii 2020-mi, 2021-mi, 2022-mi aamma 2023-mi kisitsisinut sanilliullugit suli ikinnerummata. Tamatumunnga aamma pissutaasut ilagaat, suliffissanik nassaarnissamat periarfissat amerlanerulersimammata, pingaartumik pisiniarfinni kiffartuussivimmilu, aammalu modulikkaartumik atuartitsinermi piginnaangorsarnissaq neqeroortugineqartarmat, inuusuttunut inersimasunullu suliffissaaleqisunut naleqquttoq. Takussutissiat 1 aamma 2 ilanngussamiittut takukkit.

### **Matchgruppini agguataarinerisa naatsorsorneqarnerat**

Innuttaasut sulisinnaassusiat pillugu inatsimmi erseqqissuunnginnerata qanoq suliarineqassanersoq pillugu ingerlatsivimmi eqqartorneqareerpoq, naliliiffigalugulu, suliffissarsiornermi ikiorsiissutit pillugit inatsisip atuutilersinniarnanarut atatillugu erseqqissumik paasineqarmat, suliffissaaleqisut matchgruppe 2-miittut suliniutit naapertuuttut aqutigalugit suliffissanut ammaffiginnissasut, naak aamma inatsit nutaaq naapertorlugu suli tamakkiisumik sulisinnaassuseqanngikkaluarlutik.

### **Ingerlatsivimmit aningaasatigut sulisoqarnikkullu naliliinerit**

Suliffissarsiornermi ikiorsiissutit pillugit atortumik suli ajornartoortoqarnera ungasinnerusoq eqqarsaatigalugu Kommuneqarfik Sermersuumi suliffissaaleqisunik sullissinermi kinguneqarnerlussinnaavoq, atuutilersitsisoqarnissaanut suliassat kinguaattooraluttuinnassappata. Tamanna suliffissaaleqisunut ikiorsiissutinut aammalu pisortanit ikiorsiissutinut aningaasartuutitut aningaasatigut sulisutigullu kinguneqarnerlussinnaavoq.



## **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

### **Ilannussat**

1. Suliffissaaleqisut kisitsisaannut takussutissiat

## **Punkt 7: Suliffeqarnermut immikkoortumut pilersaarut 2025-2029 pillugu tusarniaaneq**

### **Beslutning**

Inassuteqaat akuersissutigineqarpoq.

### **Bilag**

Suliffeqarnermut immikkoortumut pilersaarut 2025 - 2029

Suliffeqarnermut tunngasunik kisitsisitigut paasissutissanik takussutissaliorneq

## Suliffeqarnermut immikkoortumut pilersaarut 2025-2029 pillugu tusarniaaneq

Aalajangiiffigisassaq

SagsID.: EMN-2023-01732

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. Suliffeqarnermut immikkoortumut pilersaarut 2025 - 2029 sapaatip akunnerini sisamani tamanut tusarniaassutigineqarnissaa akuerineqassasoq

### Suliassamik saqqummiussineq

Kommunalbestyrelsimit Kommuneqarfik Sermersuumit Suliffeqarnermut politikki 2023-2033 2022-mi oktobarip ulluisa sisamaanni akuersissutigineqarpoq. Kingornatigut suliffeqarnermut immikkoortumut pilersaarut ilallugu suliarineqarnissaa Suliffeqarnermut Isumaginninnermullu Ingerlatsivimmit aallartineqarpoq, tamannalu suliffeqarnermut tunngasuni kommunip anguniagaanik suliniutaanillu ersarissaataanissamut ataqatigiinnissaanillu qulakkeerinninnissamut siunertaraa.

Suliffeqarnermut Isumaginninnermullu Ingerlatsivimmit 2023-mi upernaami suliaqarneq aallartineqarpoq. Suliap ingerlanerani ilanngullugu Suliffeqarnermut Isumaginninnermullu Ataatsimiititaq Kommunalbestyrelsilu peqatigalugit immikkut sammisaqarput. Taakkununga ilanngullugit Tasilami, Paamiuni Nuummilu innuttaasunik ataatsimiisitsinerit ingerlanneqarput, taamaalillugu suliffeqarnermut suliassaqarfimmi soqutiginnittut innuttaasullu kommunimit pilersaarusiornermut isumassarsiassanik tunniussinissaminnut periarfissinneqarlutik.

Suliffeqarnermut immikkoortumut pilersaarut 2025 - 2029-kkut ingerlatsivimmit Kommuneqarfik Sermersuumi siunissami suliffissaqartitsinermik ineriartortitsinermut ilisimasanut tunngaviusussamik pilersitsinissamut kissaatigineqarpoq aamma kommunimit sulisussatut piareersimatitaqarnissamut pilersaarusiornermik ataqatigiissarinissap qulakkeerutiginissaa. Taamaalillugu suliffeqarnermut immikkoortumut pilersaarut suliniutinik assigiinngitsunik arlalinnik imaqqarpoq, taakku Kommuneqarfik Sermersuumi suliffeqarnermut politikki anguniakkanik eqquutsitsiniarfiusunik imaqqarput.

Suliffeqarnermut immikkoortumut pilersaarut 2025 - 2029 suliniutinik qulinik ukuninnga imaqqarpoq:

1. Sivisuumik suliffissaaleqisimasunut siunnerfilimmik suliniuteqarneq
2. Piffissap ilaani atorfeqarfiit arlallit
3. Majoriami sulisunik ilinniartitsineq
4. Modulikkuutaartumik atuartitsineq
5. Paamiuni Pilersitsivik
6. Suliffimmik misiliinermut ilinniartuunissamullu periarfissaqarneq
7. Inuussutissarsiuutitigut periarfissanik nutaanik tapersiineq
8. Avataanit suliartortut pillugit sulisunik siunnersuineq
9. Majoriap meeqqat atuarfiatalu akornanni suleqatigiinneq
10. Inuusuttunut suliffissaaleqisunut atatillugu ornigulluni siunnersuisarneq

Suliffeqarnermut immikkoortumut pilersaarut nutaaq malitsigalugu ukiuni aggersuni kommunimi suliffissarsiortunut sulilernissamullu piareersimasunut suli annertusisamik suliniuteqarnissap

qulakkeernissaanut qitiutinneqassaaq. Illuminni suleqateqarnikkut, neqeroorutiniq nutaanik pilersitsinikkut aamma innuttaasunut ataqatigiissaarinnermik pitsaanerusequt ingerlatsinermillu anguniagaqarfiusumik pilersitsinikkut taamaasiorpugut.

Ingerlatsivimmit piffissap ilaani atorfeqarfiit arlallit pilersinnerisigut suliffeqarfimmik inissaqartitsisumik siuarsaanissamut suleqataanissatsinnut sulissutiginiarneqarpoq aamma kommune suliffeqarfittut orniginartutut inooqatigiinnermilu akisussaaqataasutut ineriartortitsinissamut suliniuteqaqataanissatsinnut. Saniatigut suliffeqarnermut immikkoortumut pilersaaruttip Majoriami sulisugut sungiusarnissaannut ilinniartinneqarnissaannullu suliniummik annertusiinnermik kinguneqartissavaa, taamaalilluni innuttaasunut sulii amerlanerusequt qaffasissumik pitsaassusilimmik siunnersuullutillu ilitsersuisinnaaniassammata.

### Sulinerup ingerlariaqqinnera

Suliffeqarnermut Isumaginninnermullu Ingerlatsivimmit 2025-mit 2029-mut suliffeqarnermut immikkoortumut pilersaarut tamanut tusarniaassutigineqarnissaa Suliffeqarnermut Isumaginninnermullu Ataatsimiititami akuerineqassappat, suliffeqarnermut immikkoortumut pilersaarut tusarniaanerup kingorna Ataatsimiititami aammalu Aningaasaqarnermut Inuussutissarsiornermullu Ataatsimiititami Kommunalbestyrelsimullu akuersissutigisassanngorlugu saqqummiunneqassaaq.

Suliffeqarnermut Isumaginninnermullu Ingerlatsivimmit kisitsisit atorlugit nassuiaasiornikkut paasissutissat nassiuunneqassapput, taakku immikkoortumut pilersaarummut ikkussassatut ilanngussatut siunertarineqartut. Tamatuma saniatigut inaarutaasumik akuersisoqannginnerani immikkoortumut pilersaarummut allaffeqarfimmit tunngaviusumik nalunaarummik suliaqartoqassaaq. Suliffeqarnermut immikkoortumut pilersaarut taamaallaat tusarniaassutigineqassaaq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortami aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Kommuneqarfik Sermersuup Suliffissaqartitsiniarnermi politikkaa 2023-2033

### **Ilanngussat**

1. Suliffeqarnermut immikkoortumut pilersaarut 2025 - 2029
2. Suliffeqarnermut tunngasunik kisitsisitigut paasissutissanik takussutissaliorneq

## **Punkt 8: Suliat pitsaassusissaasa allaaserineqarnerat 2025**

### **Beslutning**

Inassuteqaat akuersissutigineqarpoq.

### **Bilag**

2025-mi suliat pitsaassusissaasa allaaserineqarneri



## Suliat pitsaassusissaasa allaaserineqarnerat 2025

Aalajangiiffigisassaq

SagsID.: EMN-2024-03167

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatineqarpoq:

1. 2025-mi suliat pitsaassusissaasa allaaserineqarneri akuersissutigineqassasut
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

### Suliassamik saqqummiussineq

Suliat pitsaassusissaasa allaaserineqarneri ukiut tamaasa nutarterneqartassapput politikikkullu akuerineqarlutik. Suliat pitsaassusissaasa allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat politikikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq. Suliat pitsaassusissaasa allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut atorussaallutillu innuttaasunik kiffartuussinermi ersarissuutisillutillu assigiissaarinissamik qulakkeerinittussaapput, aamma tulleriissaarisartunut sulisunullu tamakkuninnga suliaqartunut sulineri najoqqutassiaallutik.

### Aaqqiissutissatut siunnersuut – suliatigut naliliineq

2024-mi suliat pitsaassusissaasa allaaserineqarneri allanngortiterneqarput. Tulliuttuni aaqqiissutit pingaarnerit nassuiaatigineqarput.

Ingerlatsivimmit ikiorsiissutinut pingaarnertut pissutsit atuuttut pillugit nutarterisoqarpoq. Innuttaasut ataasiakkaat sapinngisamik namminersorlutik inuuneqarnissaat ukkatarineqarpoq, tamannalu suliassaqaqfinni taagorneqartuni tamani ersarittussaavoq. Ikiorsiissutit innuttaasunut tulleriissaarinermi innersuunneqarsimasunut naleqqussagaapput, ilaatigullu isumaginninnermi teknologii atorlugu angerlarsimaffimmi sungiusarneq kiisalu Suliffeqarnermut Inunnik sullissivimmi suliassaqaqfiup iluanni suliniutinut, qanorluunniit inatsisitigut pituttugaasunut imaluunniit inatsisitigut pituttorsimanngitsunut kiisalu utoqqarnut suliassaqaqfiup iluani ersarissakkanut tungasuugaluarpata, attuumassuteqarput.

### Suliffeqarnermut tunngasut

- Namminersorlutik Oqartussat kommunillu akornanni Piorsaaviit pillugit suleqatigiinneq sivitsorneqanngilaq. 2024-mi aggustip qaammataani kommunalbestyrelsip ataatsimiinnerani kommunimit Nuummi Ittoqqortoormiini suliniutit ingerlatiinnarneqassasut aalajangerneqarpoq. Pissutsit piviusut naapertorlugit Piorsaavinni sullinniarneqartut 16 - 30 -nut ukiulinniit 16 - 25-nut ukiulinnut iluarsineqarput.
- Namminersorlutik Oqartussat kommunilu ataatsimoorlutik Paamiuni Pilersitsivik, inuusuttunut 18 - 25-inut ukiulinnut, nioqqutissiornermut atuarfittut assingusumik neqeroorut pilersippaat. Neqeroorut qaammatit qulit tikillugit sivissussuseqarpoq.
- Paamiuni, Tasiilami Ittoqqortoormiini Majoriap kollegiaanut suliap pitsaassusissaata allaaserineqarnera suliarineqareerpoq. Ikiorsiissut inatsisitigut pituttugaanngilaq, atuartullu ilinniakkamik naammassinninnissaannut toqqissisimasumik avatangiiseqarnissaat siunertaralugu tapersuinerulluni.



### Inunnut innarluutilinnut tarnikkullu nappaatilinnut suliaasaqarfik

- Kommuniq inuit innarluutilit pillugit politikkaa nutaaq nangillugu oqaaseqatigiinnik iluarsisoqarpoq, tassunga ilanngullugu innuttaasoq sapinngisamik namminersorluni inuuneqarnissaminut periarfissaqarnera ilanngullugu.
- Inunnut innarluutilinnut immikkoortortaq aamma paaqqutarineqarnissamut pisariaqartitsinermut tunngasut peerneqarput, tassani najugaqarfik nakkutigisaasoq pillugu suliap pitsaassusissaata allaaserineqarnerani ilaatinneqarmata.
- Sammisassaqaqartitsinermut peqatigiinnissamullu neqeroorutini innuttaasup tapersersorneqarnissaa nakkutigisamillu suliffeqalernissaa pillugu neqeroorfigineqarnissaa ilanngunneqarput.
- Ikorfartortinut tunngatillugu innuttaasoq sammisassaqaqartitsinermut peqataanissaanut, suliffeqarnissaanut imaluunniit ilinniarnissaanut tapersersorneqarnissaa ersarissarneqarpoq.
- Suli killiffiit aamma ineriartortitsinissaq pillugu nalunaarusiorneqartarneri, kiisalu paaqqinnittarfiit sullissisullu akornanni suleqatigiittarneri ukkatarineqarput.
- Inersimasunut meeqqanullu suliaasaqarfimmi Sungiusarnej pillugu suliat pitsaassusaata allaaserineqarnerini innuttaasup sungiusartarnissaa pineqartoq ersarissarneqarpoq. Inuit innarluutilit pillugit inatsit nutaaq innersuussutigalugu kommune innuttaasunik qanigisaasunillu ilitsersuisussaataammat suliat pitsaassusissaasa allaaserineqarneranni ilanngunneqanngillat. Isumaginninnermut teknologii atorlugu sungiusarnissamut tapersersorneqarnissamut periarfissaq ilanngunneqarpoq.
- Suliat pitsaassusissaasa allaaserineqarnerini arlalinni immikkoortumi *"Suliat suut ikiorsiinermut ilaatinneqanngillat?"* imarisai peerneqarput, ilaatigut kiffartuussinissamut tunngasut ugartorneqartannginneri imaluunniit pisuni taakkunanani sulisut kommunimi immikkoortunut allanut innuttaasumik ikorsiinnaasunut sulisut ilitsersuisinnaasarmata/innersuussisinnaasarmata.

### Inunnik sullissivik

- Angerlarsimaffeqanngitsunut unnuisarfimmut suliat pitsaassusissaasa allaaserineqarneri kingullit 2024-mi marsip qaammataani Kommunalbestyrelsimit akuerineqarput. Angerlarsimaffeqanngitsunut unnuisarfimmut tunngatillugu tulliuuttunik allannguuteqartoqarpoq:
  - o Innuttaasunut nikerartumik suliffilinnut, ullukut, unnukut unnuarsiortartunullu imaluunniit ilinniartunut naleqqussakkat ajornannginnerulersinniarlugit atuisunut isumaqatigiissutit allanngortinneqarput.
- Inissiat katitertakkat najugaqalernissamut sungiusarfittut neqeroorutit taaguuteqalersinneqarput.
- Najugaqalernissamut sungiusarfittut neqeroorutitut aamma inissiatut misiliutinut suliat pitsaassusissaasa allaaserineqarnerini tulliuuttut allannguutitut atuuppit:
  - o Innuttaasunut nikerartumik suliffilinnut, ullukut, unnukut unnuarsiortartunullu imaluunniit ilinniartunut ajornannginnerulersinniarlugit atuisunut isumaqatigiissutit allanngortinneqarput.
  - o Attartorsinnaanermut piffissarititaasinnaasup qaammatit arfinilinniit qaammatillu 18-it tikillugit sivitsorneqarsinnaanera, tassa piginnaasat kissaatigineqartut angunissaannut sivisunerujussuarmik sivisussuseqarnissaa pisariaqartoq suliatigut nalliliisoqarnera tunngavigalugu.

### Utoqqarnut suliaasaqarfik

- Utoqqaat Najugaqatigiiffiit aamma utoqqarnut inunnullu innarluutilinnut inissiamit naleqqussakkanut killissarititaasunut nalinginnaasunut ersarissaatit ilanngunneqarput,



tassunga ilanngullugu neqeroorutit innuttaasumut taassumalu ilaatigut inooqataanut/aappaanut killiligaanerat.

- Isumaginninnermut teknologii atorlugu sungiusarnissamut tapersorsorneqarnissamut periarfissaq ilanngunneqarpoq.
- Angerlarsimaffimmi ikiortit ikiorsiissutigisartagaannik ersarissaatit ilanngunneqarput, tassunga ilanngullugu uumasuutini paarsinnermut tunngatillugu killiussat.

#### Ingerlariaqqinnissaq

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput.

Suliat pitsaassusissaasa allaaserineqarneri kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

#### **Ingerlatsivimmit aningaasatigut sulisoqarnikkullu naliliinerit**

Suliat pitsaassusissaasa allaaserineqarnerinik suliaqarneq aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

#### **Missingersuusiormut Naatsorsuusiormullu Immikkoortortamit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviumik uppersaatillit**

- Suliat pitsaassusissaasa allaaserineqarneri inatsisilik atuuttunik aallaaveqarput. Ikorsisutini ataasiakkaani inatsit atuuttoq tunngavigineqartoq allassimavoq.

#### **Ilanngussat**

1. 2025-mi suliat pitsaassusissaasa allaaserineqarneri

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq. nal. 16:13